

ԹԵՄԱ- ՏՆՏԵՍԱԿԱՆ ՕԺԱՆԴԱԿՈՒԹԻՒՆ, ՆԱԽԱՊԷՍ ԾԱՆՕԹ «ԲԱՐԵԳՈՐԾԱԿԱՆ ԽՆԱՄՔ»	Քաղաքականություն (Փաստաթուղթ) Թիւ: 329	Էջ 1/15
--	---	---------

**ՆՊԱՏԱԿ**

Այս քաղաքականության (ծրագիրի, փաստաթուղթի) նպատակն է հաստատել այն չափանիշները, որոնց համաձայն հիւանդները կրնան տնտեսական օժանդակության դիմել եւ ճշդել զայն կիրառելու ուղեցոյցը:

**ՔԱՂԱՔԱԿԱՆՈՒԹԻՒՆ**

Huntington հիւանդանոցը, ողջամտութեան սահմաններուն մէջ, բժշկական ձրի ծառայութիւն կը մատուցանէ այն հիւանդներուն, որոնք տնտեսական անկարողութեան պատճառով չեն կրնար վճարել: Շտապ օգնութեան եւ բժղկական անհրաժեշտ ծառայութիւնները Medicare-ի կողմէ սահմանուած են, որպէս ա՛յն ծառայութիւնները, որոնք -բացի գեղագիտական ծառայութիւններէն- տրամաբանականօրէն անհրաժեշտ են հիւանդութեան կամ վիրաւորումի ախտաճանաչման կամ բուժման համար եւ որոնք տնտեսական օժանդակութեան առարկայ կրնան ըլլալ: Տնտեսական օժանդակութեան գեղչերը պիտի կատարուին հիմնուելով հիւանդին (կամ՝ այլ պատասխանատու կողմի) անվճարունակութեան մասին կայացուած որոշումին վրայ: Յամենայնդէպս, Այն պարագաներուն, երբ կ՛ապացուցուի, որ անվճարունակութիւնը ոչ թէ անկարողութեան, այլ վճարելու կամքի պակասի պատճառով է: Այդ պարագային՝ այդ գումարները պիտի անցնին «վատ պարտք»ի ցանկ եւ հաւաքագրումի համապատասխան գործակալութեան:

**ՍԱՀՄԱՆՈՒՄԵՐ**

I. ՏՆՏԵՍԱԿԱՆ ՕԺԱՆԴԱԿՈՒԹԻՒՆ, նախապէս ծանօթ որպէս՝ ԲԱՐԵՍԻՐԱԿԱՆ ԽՆԱՄՔ, հետեւեալ ձեւով կը սահմանուի.

Տնտեսական Օժանդակութիւնը՝ հիւանդին կամ պատասխանատու կողմին տնտեսական օգնութիւնն է: Այն չի ներառներ սովորաբար ապահովագրութեան տրամադրած գեղչերը, ապահովագրական ընկերութիւններուն հետ սակարկութեամբ համաձայնած զինները, կամ՝ վերջնական հաշուեցոյցի պատրաստութեան ատեն կատարուած կարգադրութիւնը: Եթէ հիւանդը կրնայ իր հաշիւի մէկ մասը վճարել, ապա՝ որպէս մասնակի տնտեսական օժանդակութիւն այդ հաշիւէն մաս մը ջնջելու մասին պիտի մտածուի: Տնտեսական օժանդակութիւն կրնան ստանալ նաեւ այն հիւանդները, որոնք բժշկական ծանր ծախսերու տակ են՝ երբ առողջապահական ծախսերը կը գերազանցեն տնային (տնեցիներու) մուտքի 10% -ը:

Տնտեսական Օժանդակությունը պետք չէ համարել անձնական պատասխանատուությունը փոխարինող քայլ եւ կ'ակնկալուի, որ հիւանդներն ու կողմերը աջակցին Huntington Memorial Հիւանդանոցի որդեգրած Տնտեսական Օժանդակութեան դիմելու եղանակին ու իրենց կարողութեան սահմաններուն մէջ մասնակցին իրենց առողջապահական ծախսերուն:

ՎՃԱՐՄԱՆ ԽԵԼԱՄԻՏ (ՏՐԱՄԱԲԱՆԱԿԱՆ) ԾՐԱԳԻՐ- Կը նշանակէ ամսական վճարումներ, որոնք չեն գերազանցեր հիւանդի ընտանեկան ամսական եկամուտի 10%-ը, զանց առնելէ վերջ ապրուստի հիմնական ծախսերը: «Ապրուստի Հիմնական Ծախս» կը նշանակէ հետեւեալ ծախսերէն որեւէ մէկը. վարձք կամ տան վարկ եւ պահպանություն, սնունդ եւ տնային ապրանքներ, կոմունալ ծախսեր (էլեկտրականություն, կազ, ջուր)եւ հեռաձայն, հանդերձանքի, բժշկական եւ ատամնաբուժական վճարումներ, ապահովագրություն, դպրոցի եւ երեխայի խնամքի, ամուսնալուծուած գոյգի եւ զուակի ամսական վճարում, երթեւեկի եւ ինքնաշարժի ծախսեր (ներառեալ՝ ապահովագրություն, վառելիք եւ նորոգություն), լուսացքի, մաքրութեան եւ այլ արտակարգ ծախսեր:

Եթէ, վճարման ծրագիր որդեգրուի եւ յաջորդ 90 օրերուն վճարում չկատարուի, այդ ծրագիրը պիտի առկախուի:

## II. ՏՆՏԵՍԱԿԱՆ ՕԺԱՆԴԱԿՈՒԹԵԱՆ ՀԻՒԱՆԴՆԵՐԸ ՀԵՏԵՒԵԱԼ ՁԵՒՈՎ ԿՐ ՍԱՀՄԱՆՈՒԻՆ.

Ա. Չապահովագրուած հիւանդներ (Որոնք չունին երրորդ կողմի ապահովագրություն, Medicare, Medicaid եւ կամ անոնց վնասուածքները կամ վիճակները չեն համապատասխաներ բանուորներու փոխ-հատուցման կամ ինքնաշարժի ապահովագրական պայմաններուն), որոնք կարողություն չունին վճարելու եւ կը համապատասխանեն ստորեւ նշուած Իրաւաստի բաժնի նկարագրութեան:

Բ. Ապահովագրուած հիւանդներ, որոնց ապահովագրությունն ու վճարելու կարողությունը անբաւարար են փակելու համար իրենց բաժին ինկած գումարը:

Գ. Ապահովագրուած հիւանդներ, որոնք չեն կրնար հաշիւը վճարել՝ չգանձուած համավճարներու, վերածելի գումարներու եւ չապահովագրուած ծառայություններու պատճառով:

Դ. Ապահովագրուած կամ չապահովագրուած հիւանդ, որ ունի շատ բարձր բժշկական ծախս եւ որու տունի անդամներուն եկամուտը չի գերազանցեր

Դաշնային աղքատութեան մակարդակի 350%-ը, բայց որու գրպանէն վճարելիք բժշկական ծախսերու գումարը նախորդ տարուան եկամուտին 10-էն աւելի է:

- Ե. Ուել հիւանդ, որ կրնայ ապացուցել անվճարունակ ըլլալը, ի հակադրութիւն վատ պարտքի, որ ըստ էութեան հիւանդին կողմէ պարտքը մարելու կամքի բացակայութիւնն է:

### III. ՊԱՀԱՆՁՈՒԱԾ ԸՆԴՀԱՆՈՒՐ ԳՈՒՄԱՐՆԵՐ

Սովորաբար Պահանջելի Գումարը կը սահմանուի այն առաւելագոյն չափով, որ տնտեսական օժանդակութեան քաղաքականութեան հիմամբ- բարեգործական կամ այլ զեղչ- հիւանդը կրնայ ստանալ: Այն գումարը հաւասար է Medicare ծրագիրի չափանիշով նախորդ 12 ամիսներուն արձանագրուած ծախսերու միջինին, համաձայն Ներքին Եկամուտներու Կանոնագիրքի 501(r) յօդուածին: Արտահիւանդանոցային ծախսերը պիտի ճշդուին նկատի առնելով նախորդ 12 ամիսներուն Medicare-ի հիւանդի մը տրամադրուած գումարներու չափերը, որոնք վերել նշուած են: Ս.Պ.Գ.ի հաշիւի եղանակին համար տեսնել կցուած Յաւելուած Ա.ը:

### IV. Օժանդակութեան Ենթակայ Ծառայութիւններ

Տնտեսական Օժանդակութեան Ենթակայ են այն ծառայութիւնները, որոնք կը մատուցանուին Քալիֆորնիոյ նահանգէն ստացած Huntington հիւանդանոցի հաստատագիրով նշուած բաժիններուն մէջ, որոնք կը ներառեն՝ (բայց չեն սահմանափակուիր) հիւանդանոցէն ներս եւ դուրս ծառայութիւնները, դեղերու տնօրինման ծառայութիւնները, Huntington Ambulatory Care Clinic (Huntington Շարժուն Բուժարանի) ծառայութիւնները եւ Տարեցներու Խնամքի Ցանցի ծառայութիւնները: Ցանկացած օժանդակ բժիշկի հաշուեցոյց, որ հիւանդի կեցութեան ընթացքին եղած են, ինչպէս օրինակ՝ ախտաբանական, ճառագայթաբանութեան, անզգայացման ծառայութիւնները չեն ընդգրկուիր այս քաղաքականութեան մէջ: Տնտեսական օժանդակութեան այս ծրագիրը չ'ընդգրկեր շտապ օգնութեան բժիշկները: Բայց անոնք ունին տնտեսական օժանդակութեան սեփական քաղաքականութիւն համապատասխան՝ Առողջութեան եւ Ապահովութեան Կանոնակարգի 127450-127462 բաժիններուն: Շտապ օգնութեան եւ բժշկական անհրաժեշտ ծառայութիւններ մատակարարող բաժիններուն ծանօթանալու համար հաճեցէք կարդալ «Յաւելուած B»:

### ԳՈՐԾԸՆԹԱՅՆԵՐ

## I. ԾԱՆՈՒՑՈՒՄ` ՀԻՒԱՆԴՆԵՐՈՒՆ

- Ա. Տնտեսական օժանդակության հնարաւորության մասին ծանուցումը եւ հաղորդակցութիւնը պէտք է ըլլան հիւանդանոցի իւրաքանչիւր համայնքի (բաժնի) մէջ, AB774, SB350, SB1276 եւ Դաշնային PPACA կէտերուն համապատասխանաբար:
- Բ. Հիւանդանոցը տնտեսական օժանդակութեան ծրագիրի մասին տեղեկացնող ծանուցումներ պիտի տեղադրէ: Ատոնք պիտի զետեղուին հիւանդանոց մնացող եւ այցելող հիւանդներուն տեսանելի վայրերու մէջ, որոնց շարքին՝ շտապ օգնութեան, հաշուապահական, հիւանդներու ընդունման եւ արձանագրութեան բաժինները: Ծանուցումը պէտք է ընդգրկէ կապ պահելու տուեալներ եւ տեղեկութիւն տայ այն մասին, թէ ինչպէս հիւանդը կրնայ տնտեսական օժանդակութեան ծրագիրի մասին յաւելեալ տեղեկութիւն ստանալ:
- Գ. Բոլոր հիւանդները, իրենց ընդունման կամ արձանագրութեան պահուն տեղեկ պիտի պահուին հիւանդանոցի տնտեսական օժանդակութեան ծրագիրի մասին եւ անոնց պիտի առաջարկուի դիմումագիր մը եւ այդ ծրագիրի պարզեցուած տարբերակը:
- Դ. Ապահովագրութեան կանոնակարգի 12693.30 բաժնի եւ Առողջութեան ու Ապահովութեան Կանոնակարգի 127410 (a) յօդուածին համաձայն՝ հիւանդանոցը տնտեսական օժանդակութեան ծրագիրը եւ դիմումագիրը հիւանդին խօսած լեզուով թարգմանուած պիտի տրամադրէ անոր:
- Ե. Հիւանդին տրամադրուած բոլոր տպագիր հաշուեցուցակներուն պիտի կցուին տնտեսական օժանդակութեան ամփոփումը, օժանդակութեան դիմելու համար կապի տուեալները եւ ամբողջական ծրագիրի մէկ օրինակը: Տնտեսական Օժանդակութեան ամփոփումը, դիմումագիրը եւ բացատրողականը պիտի ուղարկուին նաեւ երաշխաւորին հասցեագրուած առաջին երկու ամսական հաշուեցուցակներուն հետ:
- Զ. Տնտեսական օժանդակութեան ծրարը եւ պարզեցուած ամփոփումը գետեղուած են հիւանդանոցի կայքէջին վրայ:

## II. ԻՐԱԻԱՍԻՈՒԹԵԱՆ ՀԱՍՏԱՏՈՒՄ

- Ա. Համախառն եկամուտը պէտք է համապատասխանէ դաշնային աղքատութեան աստիճանին, հիմնուելով ընտանիքի անդամներուն կամ տնեցիներին թիւին, աշխարհագրական շրջանին եւ հիւանդին այլ տուեալներուն վրայ ( Տե՛ս IV բաժնի տախտակը):

- Բ. «Եկամուտ» կը նշանակէ ընտանիքի անդամներուն կամ տնեցիներուն բոլոր աղբիւրներէն շահած գումարները նուազ՝ ամուսնալուծուած գոյզի սննդագինը եւ երեխայի ամսականը: Եկամուտի փաստը կարելի է ճշդել մինչեւ այդ թուականի շահը տարածելով մէկ տարուան վրայ (Ընտանիքի կամ տնեցիներու սահմանումին համար նայիլ II Ե բաժինը):
- Գ. Տնտեսական ունեցուածքը հաշուի պիտի առնուին տնտեսական օժանդակութեան կանոններուն սահմանած կարգի չափով:
- Դ. Զբաղուածութեան կարգավիճակը նկատի պիտի առնուի ապագայ կանխատեսելի եկամուտներուն հետ, տեսնելու համար թէ որքանով բաւարար կրնան ըլլալ պարտաւորութիւնները տրամաբանական ժամանակի մէջ կատարելու համար:
- Ե. Ընտանիքի կամ տնեցիներուն թիւը նկատի պիտի առնուի: Այս դիտանկիւնէն, չափահաս հիւանդին համար «Ընտանիք կամ տնեցի» են՝ ամուսինը, կողակիցը, 21 տարեկանէն փոքր զաւակները (տան մէջ կամ այլուր ապրող) եւ հիւանդի Դաշնային տուրքերուն վրայ որպէս «խնամառու» արձանագրուած անձերը: 18 տարեկանէն փոքր հիւանդներու պարագային «ընտանիք կամ տնեցի անդամ» կը նշանակէ՝ ծնողքը եւ (կամ) խնամակալ ազգականները եւ անոնց 21 տարիքը չամբողջացուած զաւակները, ու բոլոր այլ անձերը, որոնք արձանագրուած են անչափահաս հիւանդի դաշնային տուրքերուն վրայ:
- Զ. Ֆինանսական այլ ծախսերը, ներառեալ՝ ապրուստի եւ այլ տրամաբանական կարելոր ծախսերը, վերլուծութեառն առարկայ պիտի ըլլան:
- Է. Այն հիւանդները, որոնց վճարելիք բաժինը կը գերազանցէ նախորդ տարուան իրենց եկամուտի 10%-ը եւ տնեցիներու եկամուտը աղքատութեան դաշնային չափանիշի 350% կամ պակաս է, կրնան տնտեսական օժանդակութեան առարկայ ըլլալ:
- Ը. Տնտեսական օժանդակութեան ընդունուելու համար դրամական ունեցուածքը նկատի պիտի առնուի: Այսպէս. Հիւանդին ունեցած առաջին \$10000-ը հաշիւի պիտի չառնուի: \$10000-էն զատ, մնացեալ գումարի %50-ը եւս նկատի պիտի չառնուի: Տնտեսական օժանդակութեան նախատեսած զեղչերը տրամադրելու համար դրամական ստացուածքը նկատի չեն առներ:
- Թ. Ֆինանսական օգնութեան դիմումին հետ պէտք է հիւանդին նիւթական օգնութեան կրաիքը բացատրող նամակ եւ համապատասխան փաստաթուղթեր ներկայացուին:
- Ժ. Օգնութեան քանակը եւ հիգանդին հաշուեցոյց ուղարկելու յաճախականութիւնը պիտի ճնդուին վերոնշեալ գործօններու լոյսին տակ:
- ԺԱ. Նախքան ֆինանսական օգնութեան ատակ ըլլալու մասին որոշում

կայացնելը, ենթակայի մասին տրամադրուած նիւթական եւ այլ տեղեկութիւնները պիտի ստուգուին համապատասխան վարկային գործակալութիւններու միջոցաւ:

ԺԲ. Նախքան ֆինանսական օգնութեան ատակ ըլլալու մասին որեւէ որոշումի կայացումը եւ գումարի ճշդումը, հիւանդը պէտք է օգնէ հիւանդանոցին, որ ըստ հնարաւորութեան գանձումներ ընէ երրորդ կողմերէ (Ապահովագրութիւն, Medi-cal, եւ այլն...):

ԺԳ. Այն հիւանդները, որոնք չեն օգտուիր ցած եկամուտով ընտանիքներուն համար կառավարութեան տրամադրուած օգնութեան ծրագիրներէն (Medical/Medicare, Առողջ Ընտանիքներ, Քալիֆորնիոյ Մանուկներու Ծառայութիւն եւ այլ ...) ինքնաբերաբար ատակ կը դառնան հիւանդանոցի ֆինանսական ամբողջական օգնութեան՝ երբ կառավարութեան կողմէ որեւէ վճարում չ'ըլլար: Օրինակ, ցած եկամուտի տէր հիւանդները, որոնք կրնան Medi-Cal/Medicare-ի եւ այլ կառավարական օգնութեան ծրագիրներէն օգտուիլ եւ ատոնք չեն վճարեր ծառայութիւններու կամ հիւանդանոց մնալու ծախսերը, հիւանդները ատակ կը դառնան հիւանդանոցի Ֆինանսական Օժանդակութեան Ծրագիրին: Huntington հիւանդանոցի տնտեսական օգնութեան ծրագիրին համաձայն, չվճարուող այս հաշիւները կրնան ամբողջովին զեղչուիլ, որպէս տնտեսական օգնութիւն: Մասնաւորաբար զեղչելի են հիւանդներու հիւանդանոց կեցութեան օրերու այն հաշիւները, որոնց հատուցումը չէ ներառնուած այլ ծրագիրի մէջ: Medi-Cal/Medicare-ի եւ ցած եկամուտով հիւանդներու օգնութեան այլ ծրագիրներու կողմէ մերժուած «Բուժման Արտօնագիրի Խնդրանք»ները (TAR) եւ մերժուած այլ խնդրանքները (Օրինակ՝ Սահմանափակ ծածկոյթ) պիտի դատուին որպէս Ֆինանսական Օգնութիւն:

ԺԴ. Այն պարագաներուն, երբ հիւանդը չի պատասխաներ, եւ(կամ) տնտեսական վիճակի մասին անհատական քննարկում ընելու համար պատրաստ են, այս աղբիւրները կրնան օգտագործուիլ տնտեսական Օգնութեան մասին որոշում կայացնելու համար: Քանի հիւանդը հակառակ փաստ չէ ներկայացուցած, սոյն Քաղաքականութեամբ տրամադրուած Տնտեսական Օգնութիւնը մէկ տարուան համար է, որ կը սկսի հետեւելու սկսող ամսուան առաջին օրը: Յամենայնդէպս, եթէ մէկ տարուան ընթացքին հիւանդի տնտեսական վիճակը փոխուի, Huntington հիւանդանոցը կը վերապահէ տնտեսական Օգնութեան ծրագիրը վերատեսութեան ենթարկելու իրաւունքը: Հիւանդները գրաւոր պիտի տեղեկացուին տնտեսական օգնութեան վաւերացուած գումարի մասին: Եթէ ամբողջական զեղչ չէ եղած, նամակը պիտի պարզաբանէ յաւելեալ քայլերը:

- ԺԵ. Տնտեսական Օգնութեան ատակ ըլլալու մասին վերջնական որոշումը կը պատկանի հիւանդանոցի պիզնէս գրասենեակին:
- ԺԶ. Տնտեսական Օգնութեան դիմումնագիրը ամբողջացնող հիւանդներուն պատասխանատուութիւնն է որոշում կայացնելու համար անհրաժեշտ տեղեկութիւններու տրամադրումը: Այս տեղեկութիւններու բացակայութիւնը կրնայ դիմումնագիրի մերժումին պատճառ ըլլալ:
- ԺԷ. Եթէ հիւանդը Տնտեսական Օժանդակութեան Ծրագիրէն օգտուելու ատակ չգտնուեցաւ, կամ ծախսերու հաշիւի պահուն կարելի չեղաւ այդ իրաւասութիւնը ճշդել (Օրինակ՝ հաշուեցոյցը ամբողջացած դիմումնագիրէն առաջ դրկուած է), հիւանդէն կարելի է AGB սահմաններէն աւելին գանձել:
- ԺԸ. Ոչ մէկ պարագային Տնտեսական Օգնութեան դիմումնագիր մը նկատի պիտի առնուի, եթէ այն ներկայացուած է առաջին հաշուեցուցակի թուականէն աւելի քան 240 օր անց:

Տնտեսական Օգնութեան մասին որոշումը պիտի կայանայ հիւանդի դուրս գրուելէն վերջ, Պիզնէսի Գրասենեակի կողմէ, հիւանդին կամ պատասխանատու կողմէ անհրաժեշտ փաստաթուղթերը տրամադրուելէն վերջ (Տեսնել III.B բաժինը): Որոշ չնախատեսուած պարագաներուն, երբ հիւանդանոց ընդունուելու ընթացքին չնախատեսուած բարդութիւններ կ'ըլլան եւ հետեւաբար՝ ծախսերը նախատեսուածէն աւելի բարձր կ'ըլլան եւ հիւանդը չի կրնար ամբողջ գումարը վճարել: Որեւէ ժամանակ հիւանդը կրնայ Տնտեսական Օգնութեան դիմումնագիրը պահանջել խորհրդատուէն: Եթէ հիւանդը անկարող է դիմումնագիրը ամբողջացնել, անոր փոխարէն որոշում կայացնող անձը կրնայ օգնել: Հիւանդը կրնայ նաեւ տնտեսական խորհրդատուի օգնութեան դիմել:

Հաշիւը փակուելէն վերջ, որոշումի համար օգտագործուած տեղեկութիւնները պիտի պահպանուին Պիզնէս Գրասենեակի համապատասխան թղթածրարին մէջ:

Այն հիւանդները, որոնք Տնտեսական Օգնութեան ատակ չեն, կամ մասնակի օգնութեան ատակ են եւ հիւանդանոցին պարտական կը մնան, կրնան Պիզնէս Գրասենեակէն վճարման յատուկ ծրագիր պահանջել:

Տնտեսական Օժանդակութեան այս ծրագրով նախատեսուած գումարները չվճարելու պարագային՝ հիւանդանոցը կրնայ գումարները հաւաքելու այլ միջոցներու դիմել: Այդ յաւելեալ քայլերու մասին մանրամասնութիւններ կարելի է գտնել «Հաշիւներու եւ Գանձումի Քաղաքականութիւն» բաժինին մէջ, որմէ օրինակ մը կարելի է ստանալ Պիզնէսի Գրասենեակէն:

### III. ՏՆՏԵՍԱԿԱՆ (ՖԻՆԱՆՍԱԿԱՆ) ՕԳՆՈՒԹԻՒՆ ԵՒ ԱՅԼ ԶԵՂՉԵՐ

#### Ա. Ընդհանուր Նպաստ

Ընդհանուր Նպաստի ատակ հիւանդները սովորաբար Medi-Cal-ի ատակ չեն ըլլար, որովհետեւ անոնք ընդհանրապէս ամուրի են, զաւակ չունին, անգործ եւ անտուն են: Այս խումբի հիւանդները Տնտեսական Օգնութեան ատակ կը համարուին:

#### Բ. Տնտեսական Օգնութիւն (Ամբողջական եւ մասնակի)

Տնտեսական Օգնութեան ատակ ըլլալու համար, հիւանդին կամ ընտանիքի պատասխանատու անդամին տարեկան եկամուտը պէտք է Աղքատութեան Դաշնային Չափանիշի 350%-էն պակաս ըլլայ: Հիւանդը կամ ընտանիքի պատասխանատու անդամը պէտք է, IV Բաժնին համաձայն, տնտեսական օգնութեան դիմումնագիրը ամբողջացնեն եւ համապատասխան փաստաթուղթերը ատոր կցեն:

- Այն հիւանդները, որոնց եկամուտը եւ դրամական ունեցուածքը Աղքատութեան Դաշնային Չափանիշի 200%-էն պակաս է, Պահանջելի Ընդհանուր Գումարներու բաժնին համաձայն՝ (III Գլուխ) պիտի ստանան տնտեսական օժանդակութեան 100%-ի հաւասար զեղջ:
- Այն հիւանդները, որոնց եկամուտը եւ դրամական ունեցուածքը Աղքատութեան Դաշնային Չափանիշի 200%-250%-ի միջեւ է, Պահանջելի Ընդհանուր Գումարներու բաժնին համաձայն՝ (III Գլուխ) պիտի ստանան տնտեսական օժանդակութեան 70%-ի հաւասար զեղջ:
- Այն հիւանդները, որոնց եկամուտը եւ դրամական ունեցուածքը Աղքատութեան Դաշնային Չափանիշի 250%-300%-ի միջեւ է, Պահանջելի Ընդհանուր Գումարներու բաժնին համաձայն՝ (III Գլուխ) պիտի ստանան տնտեսական օժանդակութեան 50%-ի հաւասար զեղջ:
- Այն հիւանդները, որոնց եկամուտը եւ դրամական ունեցուածքը Աղքատութեան Դաշնային Չափանիշի 300%-350%-ի միջեւ է, Պահանջելի Ընդհանուր Գումարներու բաժնին համաձայն՝ (III Գլուխ) պիտի ստանան տնտեսական օժանդակութեան 25%-ի հաւասար զեղջ:

Մնացեալ հաշիւը, Տնտեսական Օգնութեան Ծրագիրին ատակ հիւանդներու պարագային, կարելի է վճարել առանց տոկոսի մասնավճարներով, որու շուրջ Huntington հիւանդանոցին հետ փոխադարձ համաձայնութիւն կարելի է



գոյացնել: Եթէ համաձայնությունը կարելի չըլլայ, ապա՝ «Վճարման Խելամիտ Ծրագիրը» գործադրութեան պիտի դրուի: Այս ծրագիրին համաձայն՝ հիւանդը պարտագանց պիտի չհամարուի եւ գանձումի յաւելեալ քայլերու պիտի չդիմուի այնքան ատեն, որ ծրագիրը կը գործադրուի եւ 90 օրէն պակաս ժամանակի մէջ համապատասխան վճարումները կ'ըլլան: Եթէ հաշիւը փոխանցուած է հիւանդանոցէն դուրս, հաւաքածու գործակալութեան, այդ գործակալութիւնը պիտի հետեւի վճարման ծրագրի պայմաններուն եւ աշխատավարձի կամ հիմնական բնակարանին վրայ կալանք պիտի չդնէ:

Գ. Տնտեսական Աջակցութեան Իրաւունքի Հաստատագրում

Huntington Հիւանդանոցը կ'ըմբռնէ, որ որոշ հիւանդներ կրնան անհաղորդ ըլլալ եւ չպատասխանել Տնտեսական Օգնութեան Ծրագրի դիմումնագրի գործընթացին: Այս պարագաներուն, Huntington Հիւանդանոցը, տնտեսական կարիքի ճշդման համար, կրնայ տեղեկութեան այլ աղբիւրներու դիմել: Ուղղակի հիւանդին տրամադրած տեղեկութեան բացակայութեան այս պարագային, այլապէս հիւանդանոցին հաւաքած տեղեկութիւնը պիտի օգնէ, որ հիւանդանոցը չարձագանգող հիւանդին համար տնտեսական օգնութեան տեղեկացուած որոշում կայացնէ:

Հիւանդին տրամադրուելիք տնտեսական օժանդակութեան անհրաժեշտութեան մասին որոշում կայացնելու համար Huntington Հիւանդանոցը պիտի դիմէ երրորդ կողմի օգնութեան (PARO), որ ելեկտրոնային վերանայում (Քննութիւն) մը ընէ հիւանդի տեղեկութիւններու մասին: Վերանայումը առողջապահական բնագաւառի կողմէ ընդունուած նախատիպով կը կատարուի, որ հիմնուած է հանրութեան բաց տեղեկութիւններու համակարգին վրայ: Կանխատեսող այս համակարգը, հանրութեան մատչելի տեղեկութիւններու օգնութեամբ, ընկերատնտեսական եւ ֆինանսական կարելիութեան ցուցանիշով կ'օգնեն եկամուտի, ունեցուածքի եւ սեփականութեան մօտաւոր պատկեր կազմելու: Այս նախատիպը ծրագրուած է այնպէս, որ իւրաքանչիւր հիւանդի պարագայ նոյն չափանիշներով կը սերտուի:

Ելեկտրոնային միջոցները պիտի օգտագործուին նախքան «վատ պարտք»ի փոխանցումը, հիւանդանոցի կողմէ եւ վճարման այլ միջոցներու կողմէ գումարի գանձումի բոլոր միջոցներու սպառումէն վերջ: Այս մէկը կ'օգնէ, որ նախքան հաւաքածու գործակալութեան փոխանցում եւ գանձումի արտակարգ միջոցներու որդեգրում, Huntington հիւանդանոցը

վերատեսութեան ենթարկէ հիւանդները: Ելեկտրոնային այս միջոցներու հաաւարուած տուեալները պիտի համարուին համազօր փաստաթուղթ՝ այս ծրագիրով ճշդուած քաղաքականութեան եւ պիտի ընդգրկեն.

- PARO Նիւթական Օգնութեան Նիշ- 0-999ի միջեւ նիշ մըն է: Աւելի ցած նիշը ցած ընկերա-տնտեսական կարողութիւն ցոյց կու տայ, յուշելով, որ ենթական շատ հաւանաբար տնտեսական օժանդակութեան կարիքն ունի: Աւելի բարձր նիշը աւելի բարձր ընկերա-տնտեսական կարողութիւն ցոյց կու տայ, յուշելով որ ենթական տնտեսական օժանդակութեան աւելի պակաս կարիքն ունի: Այս նիշը կը հաշուարկուի խումբ մը ցուցանիշներու արժեքներուն վրայ, որոնք կը գործածուին ճշդելու համար գործօնները, որոնքն կապ ունին ունեցուածքի իրացման, գումարներու աստիճանին, ընկերա-տնտեսական վիճակին եւ աղքատութեան հետ: Այս նիշը, PARO-ի հաշուարկին համաձայն, 554 կամ նուազ պէտք է ըլլայ:
- Աղքատութեան Դաշնային Մակարդակ (FPL)- Տնեցիներու մօտաւոր եկամուտի յարաբերակցութիւնը՝ ԱՄՆի Առողջապահութեան եւ Մարդու Ծառայութեան Նախարարութեան սահմանած եկամուտի շէմին: Այն որպէս չափանիշ կը ծառայէ որոշելու համար եթէ անհատը կամ ընտանիք մը կրնայ օգտուիլ հիւանդանոցի տնտեսական օգնութեան, ինչպէս նաեւ դաշնային տարբեր ծրագիրներէն: Այս գնահատականը կ'օգտագործուի որպէս երկրորդական կանոն որակաւորման համար, քանի որ այն հաւանական իրացման մէկ այլ մակարդակ կ'աւելցնէ: Հիմնուելով պատմական հաստատումներուն վրայ, այս նիշը պէտք է FPL-ի 200%-ի հաւասար կամ նուազ ըլլայ, այնպէս ինչպէս PARO-ն կը տեղեկագրէ:
- Բնակավայրի Կարգավիճակ- Երաշխաւորի սեփականութեան մասին յուշող տուեալ մըն է: Այս գնահատականը կ'օգտագործուի որպէս երկրորդական կանոն որակաւորման համար, քանի որ այն հաւանական իրացման մէկ այլ մակարդակ կ'աւելցնէ:

Երբ ելեկտրոնային արձանագրութիւնը հաստատագրուած վճարումի ընդգրկուածութեան հիմք օգտագործուի, ամենաբարձր զեղչերը պիտի տրուին միայն յետահայեաց թուականով ծառայութիւններուն: Եթէ հիւանդը ելեկտրոնային արձանագրութեան գործընթացով չի ներառնուիր, տակաւին ան կը մնայ ղեկնածու՝ տնտեսական օգնութեան դիմումնագիրի աւանդական գործընթացին միջոցաւ:

Հիւանդներու հաշիւները, որոնք հաւանական իրաւունք ստացած են, տնտեսական օժանդակութեան քաղաքականութեան համաձայն պիտի վերադասաւորուին :

**IV. ԻՐԱԻԱՍՈՒԹԵԱՆ ՉԱՓԱՆԻՇՆԵՐԸ**

**2015-ի Աղքատութեան Ցուցանիշը 48 Յարակից Նահանգներու եւ Գոլոմպիա Գաւառին Համար**

Ընտանիքի Անդամներ Կամ Տնեցիներ	100% Աղքատութեան Մակարդակի Տարեկան
1	\$11,770
2	\$15,930
3	\$20,090
4	\$24,250
5	\$28,410
6	\$32,570
7	\$36,730
8	\$40,890
8-էն աւելի անդամ ունեցող ընտանիքին պարագային, իւրաքանչիւր անդամի համար աւելցնել	\$4,160

**ԱՂԲԻԻՐ:** Federal Registrar (Դաշնային Մատեան), Vol. 80, No. 14, pp. 3236-3237

**V. ՏԻՆԱՆՍԱԻՈՐՄԱՆ ԱՅԼ ԱՂԲԻԻՐՆԵՐ**

Ա. Հիւանդի Ծառայութեան Օժանդակութիւն (Միայն Hantington Հիւանդանոցի Շարժական Բուժարանի (HACC) պարագային)

Երբ HACC -էն բժշկական ծառայութիւն ստացող հիւանդը չի կրնար հաշիւը վճարել, ան կրնայ հիւանդի ծառայութեան ֆոնտերէն օգտուելու իրաւասու ըլլալ: Այս իրաւունքէն օգտուելու համար հիւանդը պէտք է .

- Անմիջական տարածքի մէջ ապրի (Ալապամա, Ալթատենա, Արքատիա, Տուարթ, Իկրլ Փարք, Կլէնտէյլ, Մոնրոպիա, Փասատենա, Հարաւային Փասատենա, Թէմփրլ Գիթի):
- Այս քաղաքականութեան (փաստաթուղթի)II Բաժնին համապատասխան նիւթական օգնութեան դիմել:

Հիւանդանոցին նուիրուած եւ նիւթական օժանդակութեան յատկացուած հիմնադրամները պիտի օգտագործուին մասնակիօրէն կամ ամբողջութեամբ հատուցելու համար այդ հիմնադրամի պայմանները ամբողջացնող հիւանդներու նիւթական պարտաւորութիւնները:

#### Բ. Վիրաւոր (Վնասուածք Ստացած) Հիւանդներ

Վնասուածքաբանութեան հիմնադրամ ստանալու համար, Հիւանդի Տնտեսական Ծառայութիւնները պէտք է հետեւեալները ունենան.

- Վնասուածքաբանութեան Ծառայութեան Գաւառի Իրաւասութիւն (TSCE), ներկայացուած եւ ստորագրուած հիւանդին կամ պատասխանատու ազգականի կողմէ:
- Եթէ հիւանդը բժշկական իմաստով չի կրնար ստորագրել եւ հասանելի ընտանիքի անդամ չկայ, տնտեսական խորհրդատուին կողմէ «Վկայագիր Երբ Հիւանդը Չի Կրնար Համագործակցիլ» դիմումը պիտի ամբողջացուի: Պէտք է արձանագրուի թէ ինչու կարելի չէ եղած TSCE-ն ստորագրել: Պատրաստողը, հիւանդանոցի Վերաքննիչին համար, պէտք է իր անունը ստորագրէ համապատասխան տողին վրայ:

#### Գ. Ոճրագործութեան Զոհերը (VOC)

Այն հիւանդները, որոնք ոճրագործութեան զոհ են կրնան իրաւասու ըլլալ օգտուելու Ոճրագործութեան Զոհերու ծրագրի Գալիֆորնիայի Նահանգի ֆոնտէն: Հիւանդը կրնայ դիմում ներկայացնել Փաստփնայի դատարանի Գաւառի Փաստաբանի գրասենեակ: Հիւանդը կրնայ իրաւասու չըլլալ եթէ՝

- Եթէ ապահովագրութիւնը կողմ է:
- Ան սկսած է ոճրային արարքը:
- Ան կը մահանայ:

## VI. ՄԱՆՐԱՄԱՍՆ ՀԱՇՈՒԵՅՈՅՑ

Վերջնական հաշուեցոյցը պիտի պատրաստուի հիւանդանոցէն դուրս գրուելէն 10 օր վերջ: Պիզնէս Գրասենեակը ինքնաբերաբար պիտի ուղարկէ մանրամասն հաշուեցոյցը: Եթէ հաշուեցոյց չստանաք, կրնաք հեռաձայնել Պիզնէս Գրասենեակ՝ (626) 397-5324 թիւին:

Եթէ հիւանդը հիւանդանոց եղած ընթացքին կը փափաքի մանրամասն հաշուեցոյց ստանալ, կրնայ հեռաձայնել (626) 397-5224 թիւին կամ տնտեսական խորհրդատուէն պահանջել: Ի մտի պէտք է ունենալ, որ հիւանդանոց եղած ընթացքին ստացուած մանրամասնեալ հաշուեցոյցը թերի է եւ հոն նշուած են միայն մինչեւ նախորդ օրուան կէս գիշերը արձանագրուած ծառայութիւնները:

## VII. ՏՆՏԵՍԱԿԱՆ ՕԳՆՈՒԹԵԱՆ ԴԻՄՈՒՄՆԱԳԻՐ

Տնտեսական օգնութեան դիմումնագիրը կը գտնէք այս փաստաթուղթի վերջաւորութեան: Ուղղութիւններ.

Կը խնդրուի դիմումնագիրը տպել եւ լրացնել: Ատոր կցեցէք ձեր վերջին աշխատավարձի կտրոնը կամ նախորդ տարուան տուրքերու փաստաթուղթը: Առաւել, հաճեցէք ձեր պայմանները եւ տնտեսական օգնութեան խնդրանքը բացատրող նամակ մը գրել: Դիմումնագիրը, նամակը եւ եկամուտի փաստաթուղթերը պէտք է ուղարկել հետեւեալ հասցէին.

Huntington Hospital  
Attn: Patient Financial Services, Customer Service 100 W. California  
Boulevard  
P.O. Box 7013  
Pasadena, CA 91109-7013

Այս դիմումնագիրի մասին հարցումներու համար կրնաք հեռաձայնել (626) 397-5324 թիւին, Երկուշաբթիէն Ուրբաթ, առաւօտեան ժամը 7:00-էն մինչեւ երեկոյեան ժամը 6:00:

Դիմումնագիրի լրացման օգնութեան համար, ինչպէս նաեւ այս ծրագիրէն օրինակներ ունենալու եւ այս մասին որեւէ հարցումի պատասխան ստանալու համար կրնաք դիմել գլխաւոր հիւանդանոցի նախասրահի HelpHub-էն, Երկուշաբթիէն Ուրբաթ, առաւօտեան ժամը 7:00-էն մինչեւ երեկոյեան ժամը 6:00:

Հաստատուած դիմումնագիրը եւ զեղչերը կիրառելի կրնան ըլլալ օրացուցային վաւերացման նոյն տարուան ընթացքին կատարուած հետագայ այցելութիւններուն:

Դիմումնագիրը եւ սատարող փաստաթուղթերը պէտք է պիզնէ գրասենեակ վերադարձուին 10 օրուան ընթացքին: Յաւելեալ ժամանակ խնդրելու համար հաճեցէք պիզնէ գրասենեակ հեռաձայնել:

Տնտեսական Օգնութեան քաղաքականութիւնը (ծրագիրները) եւ դիմումագիրը կարելի է գտնել մեր կայքէջին վրայ. [www.huntingtonhospital.com](http://www.huntingtonhospital.com)

Քաղաքականութեան (Ծրագիրի) այս փաստաթուղթը նաեւ հետեւեալ լեզուներով տրամադրելի է. սպաներէն, չինարէն, հայերէն, արաբերէն, ռուսերէն, պարսկերէն, չեխերէն, վիեթնամական եւ քորեական լեզուներով:

#### VIII. ՏՆՏԵՍԱԿԱՆ ՕԳՆՈՒԹԵԱՆ ԴԻՄՈՒՄՆԱԳԻՐԻ ՔՆՆԱՐԿՄԱՆ/ՎԱԻԵՐԱՑՄԱՆ ԸՆԹԱՑՔ

- ա.- Պիզնէս գրասենեակի տնտեսական խորհրդատուն պիտի սերտէ Տնտեսական Օգնութեան Դիմումագիրը: Եթէ ընդհանուր եկամուտը Աղքատութեան Դաշտային Մակարդակի 250%-էն ցած է, խորհրդատուն կրնայ դիմումագիրը վաւերացնել՝ հիմնուելով ներկայացուած փաստաթուղթերուն վրայ: Եթէ ընդհանուր եկամուտը 250%-էն աւելի, բայց 350%-էն պակաս է, տնտեսական խորհրդատուն, հիմնուելով՝ եկամուտի, ունեցուածքի եւ բժշկական պարտքի քանակին վրայ, մասնակի օգնութեան իրաւասութեան մասին գնահատական մը պիտի ընէ:
- բ.- Տնտեսական Օգնութեան դիմումագրերը պիտի սերտուին ու վաւերացուին, մերժուին կամ յաւելեալ փաստաթուղթի պահանջով դիմողին վերադարձուին աշխատանքային 10 օրուան ընթացքին:
- գ.- Հաւաքածու Գործակալութենէն ստացուած Տնտեսական Օժանդակութեան խնդրանքները կամ տնտեսական օժանդակութեան դիմումագրերը պիտի սերտուին RBO Տնտեսական Խորհրդատուին կողմէ: Դիմումագիրի մասին որոշում կայացնելու համար Խորհրդատուն պարտաւոր է հետեւիլ վերելի (բ.) յօդուածով ճշդուած գործընթացին: Գործարքի հաստատման սովորական աստիճանները պիտի կիրառուին:
- դ.- Վաւերացուած Տնտեսական Օժանդակութիւնը ի զօրու է եւ կը ներառնէ դիմումագիրի մէջ նշուած ԵՒ նոյն օրացուցային տարուան ընթացքին մատուցուած բժշկական ծառայութիւնները, պայմանաւ որ դիմորդի տնտեսական կացութեան մէջ չկայ վերատեսութիւն ենթադրող փոփոխութիւն:
- ե.- Տնտեսական օգնութեան 100% տոկոսով վաւերացման պարագային, հիւանդին կողմէ այս օժանդակութեան ընդգրկած հաշիւին վճարուած որեւէ գումար պիտի հաշիւի երաշխաւորին վերադարձուի: Այս ՉԻ վերաբերիք երրորդ կողմի վճարներուն, ներառեալ՝ ապահովագրութեան կամ

փաստաբանի խնամակալութեան հաշիւէն եղած վճարներուն: Այդ գումարները պիտի պահուին եւ տնտեսական օգնութիւնը պիտի տրուի ընդհանուր ծախսերու եւ այդ վճարումներուն միջեւ տարբերութեան չափով: Այս դրոյթի համաձայն վերադարձուած գումարները պիտի ընդգրկեն նաեւ տոկոսներ՝ Քաղաքացիական Գործընթացի Կանոնակարգի 685.010 բաժինի տրամադրութիւններուն համաձայն: Ոչ մէկ գումար պիտի վերադարձուի եթէ վերադարձուելիք \$5 կամ պակաս է:

#### VIII. ՎԷՃԻ ԼՈՒԾՈՒՄ

Վեճի (տարակարծութեան ) պարագային, հիւանդը հեռաձայնելով (626) 397-5324 թիւին, կրնայ խնդրել Պիզնէս Գրասենեակի Տնօրէնի կողմէ վերաքննութիւն:

#### ԱՂԲԻՒՐՆԵՐ

Հիւանդի Տնտեսական Ծառայութիւններու Համապատասխանութեան Եւ Ներքին Հաշուեքննութեան Ծառայութիւններ